

**Sandro Pellegrini, Bernardino Giustiniani – Un notaio genovese nell'isola di Tenerife – Dai suoi Protocolli (1526-1527) emerge una forte presenza ligure, De Ferrari, Genova 2015, pagg. 244**

L'aotô, pròfugo de Sciumme, o l'â atrovòu, insieme a tanti atri comme lê, 'na neuva patria a Recco e li, con amò e pascion, o s'è dedicòu a-o studio da stòia locale.

Cosci, segoindo e vicende do navigatô Nicoloso da Recco, o l'è arivòu a-e îzoe Canaie, in sciâ rôtta pe l'America e ben ben intresæ co-a stòia de Zena e da Spagna, e o l'â siâsòu tanti archivi e scritto di saggi in sce l'argomento.

Inte questo libro, dòppo 'na primma parte stòrica, gh'è i atti rogæ da-o scrivàn zeneize: lezendoli s'intra in pò inta vitta de quella comunitæ fæta, oltre che de liguri, de spagnòlli, portogheixi, fiaminghi, françeixi e nativi do pòsto, che acatâvan, vendèivan e trafegâvan, specie o sùcou ma asci l'oricello, 'n èrba pe tinze.



**Giampiero Orselli e Patrizia Traverso, Genova che scende e che sale, Il Canneto Editore, Genova 2015, pagg. 258**

O sototitolo o dixè “*itinerario zen tra ascensori, funiculari e crêuze*”, perché chi l'argomento di mezzi pe montâ e chinâ inta nòstra çitæ o no l'è trâtòu da-o ponto de vista tenico ma da quello spiritoale. L'Orselli o n'invita a repigiâ l'andio de caminâ perché, o dixè, “*attraverso il cammino si medita e si ritrova se stessi*”: caminava i filòzofi antighi, i pelegrin, i poeti... O caminâ a l'è 'na meixinn-a pe-o còrpo e pe-o çervello, e o ne procura asci o piaxe de scrovì ò riscrovì e belesse infinie da nòstra Zena. A primma a mette a fruto questo conseggio a l'è stæta a Patrizia Traverso, ch'a l'è anæta sciù (co-i mezzi) e zu (inte

#### ERRATA CORRIGE

Sul bollettino n. 1/2016, a pagina 14, la didascalia della foto nella colonna di destra deve essere sostituita con la seguente:

foto 10 – Un'immagine della stessa parete durante una fase del “laborioso” intervento di consolidamento del fabbricato eseguito nell'arco di sette anni!

Ci scusiamo con l'Autore.

creuze) pe tutto l'anfitiatro da çitæ, pigiando e mâvegioze fotografie che inpan o libro.



**Pier Luigi Gardella (a cura di), Memorie di guerra e resistenza nel Golfo Paradiso, De Ferrari, Genova 2015, pagg. 144**

**Centro Studi Storie di Jeri (a cura di), Quaderni di storia locale – Albo dei Caduti della Grande Guerra dei Comuni di Bogliasco, Pieve, Sori e Canepa, Bogliasco 2015, pagg. 196**

Lezendo çerte targhe stradali ò pasando da-a vexin a 'n monumento a-i caduti, doviescimo de longo rivòlze in pensceo de riconoscensa a tutta quella gente ch'a l'â tribolòu e a l'è mòrta zoena pe-a nòstra libertæ d'anheu: i ciù tanti àivan vint'anni! O Gardella, co-a colaboraçion do Centro Studi Storie di Jeri, o l'â elencòu into primmo libro tutte e targhe stradali, e lapidi, e colonette e i monumenti che, inti sètte comuni do Golfo Paradiso, ricòrdan quelle personn-e, con fotografie e notiçie stòriche a réizego d'anâ pèrse perché de spesso afidæ solo a-a memòia di scanpæ a-e doe goære. L'urtima lapide a l'è gianca: dovixæ èsighe i nommi de quelli trenta zoeni, cheiti lô asci, ma credendo de dovei arestâ fedeli a-o regimme ch'o l'âiva indotrinæ. Into secondo libro gh'è 110 schede biografiche, e chi asci tante fotografie.



**Alessandra Cabella e Simone Repetto (a cura di), Rosigione – Il patrimonio artistico – storia, arte, restauri, Galata, Genova 2009, pagg. 232**

Questo bèllo libro o gh'â 'na belessa in ciù: quella d'ese testimoniansa che l'è ancon vivo e sentio ancheu a Rsciu-